

10
Май
1941 ар
№ 37 (840)
10-тй арзэ потэ
Дуныз 6 копейка

КОЛХОЗ СЮРЕС

ВКП(б)-лэн Кезской Райномезлэн но райсоветлэн органы.

Редакциялэн адресыз:
Кез поселок
Советской ульча 6 №-ро
корка, телефонлэн № рез 25

Тулус уж'ёсты юн график'я но организованно ортчытоно

ВКП(б)-лэн 18 Всесоюзной конференциез пуктиз задача —ужез организовать карыны озы, чтобы 1941 арын одиг предприятие но, одиг колхоз но бере кылысен медаз луы.

Котькуд колхоз'я, бригада но звеноя тулус уж'ёсты вакчи дыр куспын но выли качествен ортчытонын бад-зым роль басьтэ умой малпаса лэсьтэм график, Нош график'я ужан куре котькуд ужын туж дасьлыкес: ю кидыс, сеялкаос но мукет инвентарьёс азывыл дасьтэмын мед луозы.

Туэ тулус кизёнэз ортчытоны Кезской район'я Удмуртской республикаен тупатэмын график. Со график'я 18900 гектар вылэ, вазь кизёно культураос'я, 9 нуналскын кизыса быдэстоно, нуналаз 2100 га быдэ'яса.

Кезской райсоветлэн исполкомез но ВКП(б)-лэн райкомез республикаен тупатэм графиклэн соответствиез'я котькуд сельсовет'я но колхоз'я тулус уж'ёсты ортчытоны график тупатыны. Кылсаясь, та тупатэм график'я Юскинской сельсоветысь колхоз'ёс 2065 гектар вылэ 9 нуналскын кизыса быдэстоно луо, нуналаз 230 гектар быдэ'яса. Озы ик Кезской сельсовет'я 1500 гектар вылэ кизёнэз 9 нуналскын быдэстоно.

Нош куд-ог колхоз'ёслэн луонлык'ёссы вань вить-куать нуналскын быдэ'яны. Тани Кездур колхозлы тупатэмын график кизёнэз 5 нуналскын быдэстыны, нош Адымигурт колхозлы—6 нуналскын. Озы тини 18 колхоз'ёс 6 нуналскын, 28 колхоз'ёс 7 нуналскын но 54 колхоз'ёс 8 нуналскын кизёнэз быдэстоно луо.

Районысьтымы колхоз'ёслэн кивалтисьёссы азын туж бадзым но ответственной задача сылэ— туэ тулус уж'ёсты выли агротехника улсын ортчытон. Вань культураосты 100 процентлы сеялкаосын кизёно. Нош сое зэмос уже быдэстыны понна кулэ котькуд сеялкаосты кык сменаен ужатыны.

График'я но тулус уж'ёсты туж организованно ортчытон куре тракторез валэн шонер

сочетать каронэз но трактор'ёсты но вал кужыме тирмыт использовать каронэз. МТС'ёс туэ арын обяанноесь луо обеспечить карыны туж четко но ритмично ужанэз, котькуд тракторен но бригадаен тулус бусы уж'ёс'я планзы одно ик быдэстэмын мед луоз. Соин ик трактор'ёсын муз'ем вуэм'я выборочно гыроно.

Тулус вазь кизён, туэ лымы бер шунамен, нимаз значение басьтэ. Соин ик кын улэ гыремез нокдья но жегатскытэк лымы шунам валлин ик усыяно но культивировать кароно, влагаез возманы понна. Тулус уж'ёс куд-ог колхоз'ёсын кутскизы ини, одиг-кык нуналскын районысьтымы вань колхоз'ёс кутскозы массовой кизён борды. Нырысь нунал'ёсы ик графиклэсь быдэсмезэ зол контролировать кароно, чтобы райсоветлэн исполкомез но ВКП(б) райкомэн тупатэм график одно ик мед быдэсмоз.

Урожайностез но пудо вордонлэсь продуктивностезэ плановой заданилэсь выли басьтэм понна колхозник'ёслы ватсаса тырон сярис партилен но правительстволэн постановленизы колхозник'ёслэсь производственной активностезэс жутыса мобилизовать кариз вань колхозник'ёсты тулус уж'ёсты вакчи дыр куспын но вань агротехнической правилоосты уже пыртыса ортчытоно.

Колхозник'ёслэсь но колхозницаослэсь та жуткем мылкыдзэс направить кароно котькуд звеноын но бригадын стахановской амалэн ужан социалистической соревнование. Та волькем социалистической соревнованиен нуналымь кивалтоно луо первичной партийной организациос, юрттоно азымынсьёслы но азинтоно бере кылысьёсты, графиклэсь быдэсмезэ эскерыса.

График — производстволэн чурит законэз. Тани мае тодоно котькуд колхозлэн кивалтисезлы но коммунист'ёслы, куд'ёсыз ужало сельской хозяйстволэн производствоз. График понна нюр'яськон - со луэ 7,9 миллиард пуд ю тьсь басьтон понна нюр'яськон.

Районын тулус бусы уж'ёс кутскизы

8 маёз район'я озимойёслы подкормка 29,5 га лэсьтэмын, етин улэ удобрение 3,5 га вылэ пазямын, 22 тонна тьсе юос яровизировать каремын, 92 тонна ю кидыс протравить каремын.

Етин'я выли урожай бастон понна нюр'яськись 128 звеноос но 40 звеноос кормовой но овощной культураос'я

ужаны кутскизы.

8 мае райсоветлэн Исполкомез Ср.-Кез но Ключевской колхоз'ёсысь колхозник'ёслэсь одиг колхозэ огазеяськон сярис куриськонзэс одобрить кариз. Удмуртской АССР-ысь СНК-ез куриз юматыны со решенизэ.

Москвын 1-тй Маез праздновать карон



Бурисен палляны: В. М. Молотов, И. В. Сталин, К. Е. Ворошилов но Димитров эш'ёс первомайской парадын.

Молотов В. М. эшез СССР-лэн Народной Комиссар'ёсылэн Советсылэн Председателезлэн обяанностьёсызлэсь мозмытон сярись СССР-лэн Верховной Советэзлэн Президиумезлэн УКАЗЭЗ

Иностранной Уж'ёс'я Народной Комиссарлэсь обяанностьёсэз быдэ'ямен Чош СССР-лэн Совнаркомезлэн Председателезлэсь обяанностьёсэз быдэ'яны секыт сярись В. М. Молотов эшлэсь трос куриськон'ёсэз лыдэ бастыса, СССР-лэн Народной Комиссар'ёсылэн Советсылэн Председателезлэн обяанностьёсызлэсь мозмытон сярись Молотов В. М. эшлэсь куриськонзэз удовлетворить кароно.

СССР-лэн Верховной Советэзлэн Президиумезлэн Председателез М. КАЛИНИН.
СССР-лэн Верховной Советэзлэн Президиумезлэн Секретарез А. ГОРКИН.

Москва, Кремль. 6 мае 1941 арын.

И. В. Сталин эшез СССР-лэн Народной Комиссар'ёсылэн Советсылы Председателе назначить карон сярись СССР-лэн Верховной Советэзлэн Президиумезлэн УКАЗЭЗ

Иосиф Виссарионович Сталин эшез назначить кароно СССР-лэн Народной Комиссар'ёсылэн Советсылы Председателе.

СССР-лэн Верховной Советэзлэн Президиумезлэн Председателез М. Калинин.
СССР-лэн Верховной Советэзлэн Президиумезлэн Секретарез А. Горкин.

Москва, Кремль. 6 мае 1941 арын.

В. М. Молотов эшез СССР-лэн Народной Комиссар'ёсылэн Советсылэн Председателезлы заместителе назначить карон сярись СССР-лэн Верховной Советэзлэн Президиумезлэн УКАЗЭЗ

Иностранной Уж'ёс'я Народной Комиссарез Вячеслав Михайлович Молотов эшез назначить кароно СССР-лэн Народной Комиссар'ёсылэн Советсылэн Председателезлы заместителе.

СССР-лэн Верховной Советэзлэн Президиумезлэн Председателез М. Калинин.
СССР-лэн Верховной Советэзлэн Президиумезлэн Секретарез А. Горкин.

Москва, Кремль. 6 мае 1941 арын.

Чуныосты сюлмаськыса вордо

3-тй Сыга колхозысь коных'ёс колхозник'ёслэн ужамзылы ватсаса тырон сярись партилэсь но правительство лэсь постановленизэс уж вылын быдэ'ян вылысь нюр'яськыны кутскизы.

Старшой конюх Ефремов Андрей Александрович ваньэз туэ вордскем чуныосты вордлыны обяагыть карискиз.

30 апреле куинь коблаос чуны вацзы. Чуныос одигез но бырыны оз шеде. Мумыоссы соосты умой утялто. Соин ик чуныос чебересь но чырткемесь будо.

Н. Ефремов.

15 Всесоюзной лотереялэсь билет'ёсэз вольмытон азинлыко ортче

Асьме районын Осоавиахимлэн 15 Всесоюзной лотереялэсь билет'ёсэз вольмытон азинлыко ортче. 6863 манетлы билет'ёс реализовать каремын ини.

„Партизан“ артельсь (Вахрушева) ужасьёс 235 манетлы бастызы, Пызеп артельсь (Буянов) ужасьёс—500 манетлы, Пажманской сельсоветысь колхозник'ёс—210 манетлы.

А. Обухов.

Республикаысьтымы бусыосын

Клевер кизён быдэстэмын

Сарапул. „Смычка“ колхоз, кормовой база понна нюр'яськыса, районын клевер кизёнэз ваньмызлэсь азыло быдэстиз. 55 гектар киземын.

